

Dumonda Wilhelm concernent l'avegnir dal Bernina Express a Tavau

Il Bernina Express circulescha oz sin il traject da Cuira sur Tusaun, ma er sin il traject tras il Partenz sur Tavau e Filisur, fin a Tirano. Sco ils viadis istorics da la Viafier retica tras la Zügenschlucht tutga il Bernina Express oz tar las attractivads da Tavau sco lieu da turissem. Quai serva en spezial er a promover il turissem da stad, ch'è ina finamira dal chantun, e gida a mantegnair plazzas da lavur attractivas. Suentar ch'il spurtegl da la staziun da Tavau Vitg è vegnì serrà e suenter che Tavau è vegnì stritgà sco destinaziun dal Glacier Express, ha quai ina tscherta impurtanza per la staziun finala istorica da l'emprima lingia da viafier en il Grischun.

Tenor rapports betg confermads duai ussa il Bernina Express circular questa stad per l'ultima giada si Tavau. Uschia na svaniss betg mo la destinaziun Tavau/Claustra, mabain l'entira regiun Partenz/Tavau da la charta dal Bernina Express.

En vista a quests fatgs tschentan las sutsegnadras ed ils sutsegnaders las suandantas dumondas:

1. Sa la Regenza, sche e pertge che Tavau duai vegnir stritgà sco destinaziun dal Bernina Express u sche e pertge che la frequenza per Tavau duai vegnir reducida?
2. Tge consequenzas ha in'eventuala stritgada per il dumber da plazzas da lavur e per lur attractivad a Tavau sco lieu da la Viafier retica?
3. Tge tenuta ha la Regenza envers la dumonda da stritgar Tavau sco destinaziun dal Bernina Express?
4. Èn vegnidas examinadas alternativas envers in'eventuala stritgada? È la Regenza s'engaschada per talas?
5. Tge ulteriuras perspectivas per il futur existan per Tavau sco lieu da la Viafier retica?

Cuira, ils 12 da favrer 2020

Wilhelm, von Ballmoos, Bettinaglio, Atanes, Baselgia-Brunner, Berther, Brandenburger, Cahenzli-Philipp, Caluori, Cantieni, Caviezel (Cuira), Censi, Degiacomi, Della Cà, Deplazes (Cuira), Derungs, Dürler, Ellemunter, Epp, Flütsch (Spleia), Gartmann-Albin, Gasser, Gort, Hartmann-Conrad, Hofmann, Horrer, Jenny, Müller (Susch), Müller (Favugn), Niggli-Mathis (Grüsch), Noi-Togni, Perl, Preisig, Rettich, Rutishauser, Schutz, Tanner, Weber, Spadarotto, Stieger